



SAKSFRAMLEGG

Sakshandsamar: Karina Liøen Frøland	Arkivkode: FA-C00
Arkivsaksnr: 19/219	Løpenr: 20/4761
Sakstype: Politisk sak	

SAKSGANG

Styre, utval, komité m.m.	Møtedato	Saksnr
Kommunestyret	11.06.2020	032/2020

Frivilligerklæring for Samnanger kommune

11.06.2020 Kommunestyret:

Handsaming i møtet:

Solveig Vassenden (Bl) bad om å få gildskapen sin vurdert, fordi ho er aktiv i frivillig arbeid i kommunen. Det var semje i kommunestyret om at det ikkje var nødvendig å vurdere gildskapen hennar, og om at det ikkje nødvendig å røysta over gildskapen hennar.

Rådmannen sitt framlegg vart samrøystes vedteke.

KS- 032/2020 Vedtak:

Frivilligerklæringa blir godkjent som vedlagt.

Rådmannen sitt framlegg til vedtak:

Frivilligerklæringa blir godkjent som vedlagt.

Dokument som er vedlagt:

Frivilligerklæring

Dokument som ikkje er vedlagt:

Innspel frå lag og organisasjonar.

Eksempel på frivilligerklæringar frå andre kommunar.

Kva saka gjeld:

Samnanger kommune har ikkje ei eiga frivilligerklæring, slik mange andre kommunar har.

Arbeidet med ei slik erklæring starta i 2015, og har av ulike grunnar ikkje vorte ferdigstilt før no. I 2015 fekk også kommunen midlar til å lage ei frivilligerklæring.

Vurderingar og konsekvensar:

Dei frivillige laga og organisasjonane har vore med på å utarbeida frivilligerklæringa, og fått høve til å uttala seg om denne. Innspel er teke med i det ferdige utkastet.

Målet med frivilligerklæringa er å setja pris på dei frivillige i Samnanger kommune, og leggja til rette for at deltaking i frivillig arbeid opplevast som positivt og engasjerande i alle aldrar.

Det er også eit mål at samspelet mellom kommunen og frivillig sektor, skal verta meir forutsigbart, konstruktivt og langsiktig.

I frivilligerklæringa er det kommunen som har flest ansvarsområde, og det kan opplevast som ein tryggleik for frivillig sektor at dei har ei erklæring som visar kva kommunen ynskjer å forplikta seg til når det gjeld frivillig arbeid.

Ei frivilligerklæring vil vera med på å løfta og styrkja det frivillige arbeidet i Samnanger kommune, og auka verdien av dette.